

AGX Group catat untung bersih RM3 juta pada 3QFY23 didorong hasil sebanyak RM47.3 juta

dagangnews.com/article/agx-group-catat-untung-bersih-rm3-juta-pada-3qfy23-didorong-hasil-sebanyak-rm473-juta-34118

January 17, 2024



Terkini 17 Jan 2024 05:01 PM



DagangNews.com

Oleh NOR AZAN FITRI AHMAD HIDZIR

azan@dagangnews.com

KUALA LUMPUR 17 Jan - AGX Group Berhad mencatatkan untung bersih sebanyak RM3 juta bagi suku ketiga berakhir 30 September 2023 (3QFY23) dengan hasil sebanyak RM47.3 juta.

Bagi tempoh sembilan bulan berakhir 30 September 2023 (9MFY23) kumpulan itu mencatatkan keuntungan bersih sebanyak RM9.17 juta dengan hasil sebanyak RM138.16 juta.

Bagaimanapun, tiada angka perbandingan untuk tempoh sama tahun sebelumnya kerana ia merupakan laporan interim kewangan pertama yang diumumkan menjelang penyenaraianya yang akan datang di Pasaran ACE Bursa Malaysia Securities Berhad.

Bagi suku semasa dalam tinjauan, AGX dan anak syarikatnya dalam segmen logistik aeroangkasa merupakan penyumbang terbesar kumpulan, menjana kira-kira RM19.71 juta atau kira-kira 41.67% daripada hasil keseluruhan.

Penghantaran kargo laut merupakan penyumbang hasil kedua terbesar dengan 31.71% daripada jumlah hasil diikuti oleh penghantaran kargo udara, pergudangan dan perkhidmatan logistik pihak ketiga (3PL) dan pengangkutan kargo jalan masing-masing dengan 16.18%, 6.21% dan 4.23%.

- *DagangNews.com*